



21. maj 2012

Inatsisartut suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisut Inatsisartut Ilaqutariinnermut Peqqissutsimut Ataatsimiititaliaanut imaluunniit Inatsisartut Kukkunersiunermit Ataatsimiititalianut Peqqinnissaqarfiup ilauni inatsisitigut tunngavissaqanngitsumik a3,8 million kroninik siumoortitsisarsimaneq pillugu?

Taamaangippat: Qaagu inatsisartunut tamanut nassuiaasoqassava inuiaqatigiit aningaasaatai inatsisitigut tunngavissaqanngitsumik atorneqarsimanerat pillugu?
(Aleqa Hammond, Siumut)

Tunngavilersuut:

Peqqissutsimut naalackersuisup Agathe Fontainip Inatsisartut suleriusaat § 37 imm 1 naapertorlugu maajip 9-ani akissuteqarnermini (suliaq nr. 2012-065978) erserpoq PPK-mi isumaqatiginninniarnepur ingerlanerani ilisimaneqartoq Peqqissutsimut Aqutsisoqarfimmi eqqunngitsunik akissarsiaqartitsisoqartoq tamannalu qanimut misissorneqassasoq.

Naalackersuisup Agathe Fontainip Inatsisartut suleriusaanni § 37 imm 1 naapertorlugu akissuteqaammini maajip 15-ani (suliaq nr. 2012-065981) oqaatigaa namminerisamik kukkunersiuisorineqartut rapportiliorsimasut aammalu Deloittemit.

Maajip 9-ani akissummi allassimavoq tamassuma kingorna Naalackersuisut ilisimatinneqarsimasut.

Ilisimasakka naapertorlugit Naalackersuisoq Inatsisartunut ilisimatitsissummik agguaassisimangilaq. Uagut Inatsisartuni ilaasortaasugut tusagassiorfitsigut ilisimatinneqarpugut.

Suliaq manna sulisunik pingaaruteqartunik soraarsitsinermik kinguneqarpoq, tusagassiorfitsigullu tusakkavut naapertorlugit peqqinnissaqarfimmi sulisorpassuarnut toqqissisimanginnermik kinguneqartumik. Suliami uani pineqartoq tassaavoq inuiaqatigiit aningaasaataasa inatsisitigut tunngavissaqanngitsumik atorneqarsimanerat. Suliarlu manna ilungersunartut nalilerneqartariaqarpoq inuiaqatigiinnut pingaaruteqarmat tusagassiorfitsigullu malinnaaginnarnissaq qinikkatut sulinermi toqqissisimangimmat apeqquteqaateqarpunga.

Suliat ilai nipangiusimassusaatitaaffeqartumik tunngaveqassappata paasinnippunga, kisiannili eqqorsinnaangilaq Naalackersuisut ima nipangiusimatitsingaarmata Inatsisartulluunniit ilisimatinneqarnissaat pingaartinnerujunnaarsimassatillugu.

